

Opuscula

Opuscula

I
C
A
E
A
S
I
A

54
ANNIBAL
SARMATICUS,
D. STANISLAUS
CASIMIRITANVS,
Canonicus Regularis Congre-
gationis S. SALVATORIS
Lateranensis;

In perniciem Omnium Vitiorum

JURATUS,

& ad certandum contra hostes Animæ,

in Arena Religiosa, continuo

EXCUBANS.

Recurrente Annuâ Solennitatis Suæ Die,

A
M. BOGUSLAO STANISLAO
BROMIRSKI,


Philosophiæ Doctore & Professore,

In Canonica Sacratissimi Cor-
poris CHRISTI Casimiræ ad Cracov:
DEMONSTRATUS.

Anno Domini 1716. Die 3tia Maij.

CRACOVIAE, Typis UNIVERSITATIS.

IN GENTILITIUM STEMMA
Illustrissimæ Domûs
SZEMBECIANÆ.



Curfibus alternis nituntur ad Astra CAPELLÆ,
Illis Purpureas æmula Flora ROSAS
Sternit; cur quæso? nisi, quòd Virtute propinqua
Cælis, floreſcit SZEMBECIANA DOMUS.

ILLUSTRI ac MAGNIFICO
DOMINO,

D. ANTONIO
FELICIANO

De Stupow

SZEMBEEK,

TRIBUNO OSWIECIMENSI,
VICEPALATINO CRACOVIENSI,
PATRONO ac MECÆNATI
Colendissimo.



*Orvus Sarmatiae AN NIBAL, D.
STANISLAVS CASIMIRITANVS,
multiplicibus in Religiosa Arena trophæis
conspicuus, post operosos labores, IVIS
tandem Gentilitijs ROSIS ornari & co-
ronari desiderat. ILLUSTRIS &
MAGNIFICE DOMINE. Jam*

*Ille quidem immarcescibilem pro meritis recepit aternitatis
Lauream; & hinc tamen plausum gloria suæ adaugendum
sperat; si de TVO ROSETO floridum sibi decus accesserit.
Admittes credo Eum ad TE gratiosè, gestaq; illius sortia
miraberis, ac aestimabis, cum Tibi quoq; sicut & Tui ILLV-
STRISSIMÆ SZEMBECIORVM FAMILIÆ Heroica
pro DEO & Patria in publico Orbis Poloni Theatro exan-
tiare opera solenne est, & planè innatum. Viderunt antea æta
secula, quos ILLUSTRISSIMA hac TROSAPIA fortes*

*Atlantes, insignes dexteritate Heciores, invictos animi constantia Achilles, in tutamen Orbis Sarmatici, celsus provisos numeraverit. Priscos Ejus Aborigenes, ne in longum excurrat, consulto reticet calamus, cum Eorum Nomina celebres fasti pridem non tantum posthumæ memoriæ, sed etiam ipsi Cælo inseruerint, ac consignaverint. Quod in cæteris AN-
TENATIS TVIS vidit Orbis, hoc in PETRO ILLVSTRI AVO TVO, VIRO immortalibus factis conspicio miratus est, & veneratus. Dulcissimi Progenitoris Tui STANISLAI Burgrabij Cracoviensis, Magnorum in Patriam meritorum indelebiles hucusq; legit Characteres; ad quos clarius exprimendos Nominisq; Tui inscribendam gloriam, ex Atavis Proavisq; derivatus TARNOVIORVM, ZELECCIORVM, TOMICCIORVM, KORYCINSCIORVM, Sanguis copiosius influxit. Lucent famosa dignis operibus Cera ILLVSTRISSIMI CASTELLANI Camenecensis PATRVI Tui, nec ad feræ fatorum ignes liquecunt. Nitida luce coruscant Cineres ILLVSTRISSIMI DAPIFERI REGNI, PATRVELIS Tui, qui Aurea libertatis Hyblæ dulciorem farum ex faucibus Hyperborei Leonis eripiens, Ipse amara Libitina cessit in exuvias. Nititur, & plus ultra nitetur Republica Polona salus, firmissimis in Stupor Columnis Patruelibus Tuis, nimirum, CELSISSIMO PRINCIPE ARCHIEPISCOPO Gnesnensi, LEGATO NATO, & Regni Poloniæ PRIMATE, in Cujus Tyratum & verè Aureum CAPUT, tota Patria devoluta moles, omnesq; circa bonum publicum, commigrarunt sollicitudines. ILLVSTRISSIMORVM EPISCOPORVM, Chelmensis? & Paphensis, SVFFRAGANEI Cracoviensis, huc accedunt Nomina; in quorum pectoribus Publica omnium vita respirat, & cordibus animatur. Spectat Polonus Orbis Amantem SZEMBECIARVM ROSARVM in ILLVSTRISSIMORVM & EXCELLENTISSIMORVM CANCELLARII & DAPIFERI Regni Purpuris, earumq; suavissimum odorem langvens Patria sibi salutarem haurit ac experitur. Non dispar quidpiam de Germanis FRATRIBVS Tuis, ILLVSTRISSIMIS, EPISCOPO Livoniæ, No-*

minato

minato Posnania; CASTELLANO Vislicensi; & Burgra-
 bio Cracoviensi sentire licet; quorum alter publicâ Legatione
 ad CÆSARVM Majestates, gloriose ac feliciter peractâ,
 virentes Pacis Orbi Lechico attulit Oleas; Alij easdem gem-
 meo laborantium circa integritatem libertatis Frontium sudore
 irrigatas, Polonis Campis implantare non desinunt. Ad Com-
 plementum aliorum gloria hoc dicere sufficiat, quod SZEM-
 BECIANAS ROSAS Virtus ipsi Cælo vicina tam altè lateq;
 excrecere permisit, ut jam suavissimâ Illarum fragrantia To-
 tus Sarmaticus Orbis perfundatur. Te ipsum jam hîc vene-
 rari gesta; Tua cedris immortalibus dignissima huic inserere
 pagina operæ pretium est, ILLUSTRIS & MAGNIFICE
 DOMINE. Quam Aborigenes Tui calcârunt meritorum
 semitam, eandem Tu quoq; non degener illorum Successor hero-
 icis vestigijs premere non desistis. Vix enim florentis juventa
 transegisti aetatem, jam splendidissimam virtutum luce ingressus
 es meritorum Arenam; dum per ROSARVM Appiam
 ad hæc, quæ Indolem ad magna quæq; natam decent, festino pas-
 su cucurristi. Post privatam intra domesticos Penates institu-
 tionem ad Cracium Parnassum illico Te contulisti, ut Ingeni-
 um Tuum, cuiusq; fortuna & gloria capax, Princeps Re-
 gni Lechici Schola lectissimâ Sapientia cultu imbueret & ex-
 poliret; ac tandem ad Oracula & salubria consilia in commodû
 Patriæ suo tempore depromenda, aptissimum redderet; ubi dum
 morabaris, quantum lagellonicis Laureis decoris, a Tuis RO-
 SIS accesserit, ipse Apollo cum Camenis palam, testabantur.
 Peractò studiorum, curriculò, Martialibus operibus
 mentem Tuam devovisti, ut grandia fortitudinis Majorum
 Specimina propria virtutis documento & exemplo augeres, de-
 tonantem hostilium armorum procellam, generoso pectore, &
 imperterrito ausu sustinendo. Hinc excelsa mentis Tua heroicq;
 pectoris decora cum ubiq; paterent; Illorum suavi illiciò erga
 Te traxisti animos & corda Illustrissimarum in Regno Polono
 DOMVM, dum sociali nexu NIELEPCIORVM Splen-
 dore in Domû Tuam derivisti, CZERNIORVMq; in Castel-
 lano Osmiecimensi ROSIS Tuis adjunxisti Decora. Sed
 præter hæc, quæ Te circumstant Familiarû Lumina, nõ destitisti, de

Tuo fastos gloriosis factis implere; dum publicis Commissionibus Radomiam, tot Legationibus ad Comitata Varsoviensem, & ad Regum Majestates cum plausu & delicia Omnium peractis vacans, prudentes sensus & oracula in emolumentum Patrie fudisti. Teq; totum bono publico non privato commodo promovenda dedicasti. Occurrunt & alia longiori recensenda syllabo meritorum virtutumq; Tuarum specimina; sed ea sub Rosa profundioris silentij recondere voluit tenuitatis sua cōsciū. Oratoris Calamus, bene sciens, Te Solis Geniū imitari, qui magnus esse mavult, quā videri. Ad Te jam Divinior AN NIBAL D. STANISLAUS CASIMIRITANVS recurrit ILLUSTRIS ac MAGNIFICE DOMINE; ut desideria ejus ROSARUM Tuarum fertō coronas, Virtutesq; Ejus tenui suada penicillo adumbratas, sub patrocinio Magni Nominis Tui in lucem publicam prodire permittas: non vana concipiens omina, quod Ille pariter pro Domo Tua in supernis sedibus corā DOMINO Exercituum militabit, Patronūq; aget, ut Hec cū Propagine Sua, totaq; ILLUSTRISSIMA SZEMBECIORVM FAMILIA omnia infesta felici auspicio vincens, gratiarum Celestium & e voto fluentium successuum influxibus cumuletur, ROSISq; immarcescibilibus perpetuō coronata floreat, vireat ac vigeat. Ita precatur

Magno Nomini Tuo

addictissimus Cuius

&

servus,

Author Operis.



ORATIO.



Uream Regnorum felicitatem; firmos Imperiorum Status non aliunde melius quam a generosis Heroum pectoribus, non Delphicæ Tripodis, nec fatidicæ Cyrrhae Oraculum est. AA. Nesciunt ullatenus nutare in ruinam Imperia, si adamantinis fortium Virorum basibus non desinunt sustentari. Nimirum animosus in millena bellorum discrimina Agamemnon, quoties Martiali percitus entheo galeam induit, toties intensum & immanè fremètem hostè ferocià exuit. Magnanimus Ajax quoties impenetrabiles telo & retūdendis impetibus pares opponit Clypeos, toties stabilem Patrijs penatibus fortunam ominari solet. Bello innutritus Achilles, dum se victrici metitur in hasta, non tantum unus Telephus fatalem illius ictum experitur, sed ipsa etiam decennio solum expugnabilis Troja, triumphalem ejus manum expavescere cogitur. Poterat quondam Augusta Heroum Parens Sarmatia, veluti Roma; fortissimos Scipiones, bellaces. Julios, in Hecatomben Marti, & Victimam Libitinæ vitam propriam litare non dubitantes Curtios, longā serie recensere: cum Polonæ Matres Lacænas imitata, bellicis laboribus idoneam felici fidere, parerent progeniem. Triumphalis fama ipsos planè Orbis excessit limites, dum extra eos Nobiles Lechicæ Gentis Spiritus heroicis procefferunt operibus, ad quorum conspectum, vel ipse exoticus, fessus sub Rhodope sua non semel genuerat Mavors. Quodsi anteaetis Seculis bellicæ suæ gloriæ sibi assurgentes videbat adoreas, certè & præsentì ævo hanc sortem meritò jactare potest, quòd nondum tam effata facta est (absit verbo jactantia) quàm pares Herodas in Theatro Orbis possit præsentare. Adhuc Illa benigno Superum annuente favore, non viles Epæos, vel umbram suam, pertimescentes. Pisandros, sed fulmina belli Alexandros, Codros, Epaminondas, Coclites numerat, quibus, velut olim Romanis, sicut fortiter agere; ita fortia pati pro libertate ac integritate Patriæ, palmare

decus, summumq; Cordis delictum est. Sed non solus duntaxat Politicus Lechiæ Orbis bellis innutritos Viros computat. si quis per Religiosum Orbem curiosam quoq; circumferat pupil- lam, plures clarioribusq; Victorijs insignes Herodas poterit mira- ri ac venerari. Spectantur in abditis Religionum locis fortes Al- cidæ, quibus infernales Antheos, truculentosq; Diomedes cum- septicipitibus Hydri vincere, solenne est. Videntur in Ana- choreticis umbris illustres Camilli, pugnaces Lisimachi, supe- randis Averni leonibus pares, dexterrimi Scævola, non tam ma- nus, quam corda propria flammis ardentibus, pro DEO & Cælo sibi aduri permittentes, alijq; longâ seriè recensendi Sanctiores He- ctiores, magnitudine. Animi, bellicæ fortitudinis. Activitate, Victoriarum felicitate, & triumphorum gloriâ in Arena Vitæ A- sceticæ præcellentes. Porro si Annibales etiam vincere pe- ritos, trophæisq; claros videre libet, nec istos deesse arbitreris. En adest Novus Sarmatiæ ANNIBAL, quem hodie nostris con- spectibus sistit Augusta CANONICORUM REGULARIUM. LATERANENSIVM CONGREGATIO, D. STANISLAUS. CASIMIRITANUS. Nobiliorem tamen & Gloriosiorem illò esse credite, quem Carthago genuerat: Illius enim Virtutem bellicam Thralymenus & Cannæ tantum viderunt, hujus forti- tudinem etiam Orcus sensit, Cælum stupuit. Ille in ruinam. Romæ, ad cujus portas densis Armatorum. Catervis stipatus. constitit, conspiraverat; hujus potentiam non tantum hostes. varij, sed etiam terribiles omnium vitiorum phalanges sibi in- fensam nimisq; gravem sensere. Clarius planiusq; hoc totum, mea tenuis exprimet Oratio, dum D. STANISLAUM CA- SIMIRITANUM Novum Sarmatiæ ANNIBALEM, in perniciem omnium Vitiorum Juratum, & ad decertandum contra hostes Animæ semper excubantem, brevi eloquio demonstrabit. Tu tantum Divinissime ANNIBAL, Oratorem honori Tuo mili- tare volentem Cælestis gratiæ suppetijs confirmare & erigere di- gneris, ut digna virtutibus Tuis promere valeat Elogia: Vos autē VV. OO. AA. attentos date animos; vera loquar, & hoc ipsum fidem dictis meis apud Vos impetrabit. quod supplex posco.

Antequam immortalia, jamq; fastis beatæ Æternitatis inscri- pta Sanctioris ANNIBALIS Opera, tenuitatis suæ conscius evolvat Genius, prius Illius Vitæ Exordium placeat contemplari. A. A. Fuerit sanè ea olim jactabundarum & nimio fastu tumentium. mentium insania, quod mortales inter quotidianas Libitinæ He- catombas posui, immortalia cogitare, & humanæ fortis obli- visi voluerint; fuerint, qui Matres Deorum Berecynthias Augu- stasque Junones inter natalitia decora jactaverint, se de genere Divorum oriundos, imprudenter nimis ac impudenter gloriati- sint: parum hoc certè est ad gloriam: quasi verò nesciamus etiam

Joves ipsos locô Augustaliû, Dictæi Montis in antro inter quercea
 peristromata latuisse; benè novimus & ipsos Apollines apud
 Admetum Regem Armenta pavisse, priûsquàm Metam Divini-
 tatis attigisset. Facebant hinc talium Natalia: Sanctiori Nostro
 ANNIBALI Augustiores adscribendi Natales: cælestes planè,
 quia à Virtute cælitus orta, Verosq; splendores à Patre luminum
 in perpetuum non extinguendos mutuante, derivati. Parentes,
 ejus si requiris? MATTHIAM Senatûs Casimiriensis Consum &
 Hedvigem Regalis Nominis Matrem esse sciveris. Sanctior,
 Noster ANNIBAL piissimum hunc natus Amilcarem, quantô
 fecit Penates suos, Civitatemq; totam tripudiare triumpho, quis
 exasse explicet? nec tamen injusta fuerat hæc Causa triumphi:
 Fortè illum Bellatorem evasurû non vano augurio prælagiebant,
 quidni ei festiva ante tēpus intonuissent acroamata? Et certè, si o-
 lim Herculem Monstrorum Domitorem jam Jove dignum infan-
 tiles cunæ demonstraverunt, nec ANNIBAL Noster sine ejus-
 modi dexteritatis Auspicio. Adhuc ille angustis stringebatur fa-
 scijs, & jam non mediocres palmarum fasciculos, sed integras
 Victoriarum laurus sese recepturum spondebat. Gemina deli-
 catæ frontis luminaria vix benè in lucem intorquere cæperat,
 & jam Martiales ignes cum insignibus generosæ mentis indicijs
 spirare videbatur. Solutus tandem fasciarum vinculis, vix tenel-
 las palmulas levare didicerat, & jam concitato virtutis impetu
 ad palmares sese proripiebat adoreas. Paucis multa: necdum
 ex Ephebis excesserat, & jam se Phœbo dignum demonstravit.
 Porro si ad laudem non modicû refert: quo solo, Poloq; quô
 locô, & quâ regione, nascaris: Sarmaticus Noster ANNI-
 BAL, dum in deducta, à Campo Polonia suos exorditur,
 Natales, satis habet: quia hōc ipsō ad Campestem se Natum es-
 se gloriam profitetur. Hæc ex fortunatis Natalibus, cætera ex
 Nativa illius Virtute, derivata Heroicæ Indolis documenta spe-
 ctare libeat. Quodsi Punicus Amilcar Novennem adhuc ANNI-
 BALEM ad Sacramentum militare, adegisse, probatur, ut se Ju-
 ratum Romanorum hostem declararet; Noster quoq; Lechicus
 ANNIBAL grandiori imperante Amilcare Parente suo similia ex-
 plevit, ad Aras stetit, Thura odorifera ingessit, jurans, quod ab
 Illius Martiali flamma non una in cineres abitura fuerat vitio-
 rum Sagunthus. Juramento Te jam obstrinxisti STANISLAE,
 ergo ut Tuo exasse correspondeas etymo, ut Tua laus stet, Or-
 biq; Polono constet, fidem exsolve. Nobiliorem jam conscen-
 de Athleticam, luculentiora indolis Tuæ documenta daturus.
 Paret consilio Sanctior ANNIBAL, & in designata sibi A-
 cademici Orbis consistit Arena. Est quod Tibi gratuleris felicior
 Amilcar Progenitor ANNIBALIS piissime, vide, quid jam agat Tyro
 hic & exinde cōijce, quid nō faciet, imò quid faciet veteranus? en

Præses Musarū Apollo strenuè in literaria decertatē Acie miratur;
& pharetrā sagittas recondens, triumphali Sanctioris ANNIBA-
LIS substernit calcaneo. Nempe vix elementa benè loquendi
ediscere caperat S T A N I S L A U S, & jam in eo figura benè
compositi Animi Speciem Vivam fortissimi Macedonis vel He-
ctoris exprimebat. Declinationes benè noverat, dum declinavit
à vitijs. Virtutes Cælo dignas, quomodo conjugare sciverit,
ipsa rectefactorum Ejus conscientia demonstrabat. Solos tan-
tū casus neglexerat, quia in probitate cadere grande nefas re-
putabat. Tam intensum ad docta prælia ardorem, nec ipsi Ca-
stolidum fontes, dulciores propinātes undas, extinguere poterant,
imò continuò majorem & plusquam Tantaleam in eo Orexim
excitabant. Porro ut nihil omitteret, quod peritiæ strenui cu-
juslibet Militis incumbit, priùsquā vasta peragrasset flumina,
in Tullianis eloquiū fluentis Vires experitur; ac tandem illa
emenfus, lubricos etiam Stagyrîtici Eurippi pontes, dextrò Vesti-
gio & cum plausu, spectantium, Unico labore, Prodromo
superavit. Hic jam subsistere sufficit alijs ad gloriam, sed non
S T A N I S L A O; ex privata Palladis acie in publicam, So-
phorum Orchestram indefessus Athleta, progreditur, vidisses
Eum inter dispositas per Stoam sub Auspicijs Ducum Purpurato-
rum, disceptantium Cohortes, felicissima ingenij duella pera-
gentem, ad Generosos Ausus, eruditis Sapientum jurgijs accendi;
audisses, quot rationum conflictus, tot Telephi hastas vulneran-
tes animum & sanantes vibrantem. Viderat Apollo Cracius de
bicolli Parnassi clivo gloriosa ejus ingenij certamina, hinc, ut ea
palmaris sequeretur Honor, meritum teneri ANNIBALIS legiti-
mè certantis verticem, Philosophicis redimivît Corymbis. Huic
ille ut magis responderet Honori, intensius adhuc Martiales arsit
in ausus. Progredere felici passu, quò Te Tua Virtus vocat,
S T A N I S L A E; & quia contra grandem scelerum Trojam,
pugnaturus es, ut evadas fortior Achille; sub sanctiori Tibi mi-
litandum esse Chirone arbitreris. Perge velocius, en in Porta
Academi Cælestis Chiron, Te Verum, ANNIBALEM expe-
ctat. Peritissimum Eum existimes, utpote sub quo Ductores To-
gatæ Militiæ CANTIJ die noctuq; illi adhærentes profecere; pro-
bati in Religiosa Arena Agonothetæ LIPNICIJ, GEDROICIJ,
BONERIJ, SVENTOSLAI Eximij Victores evasere. Paret,
anheloq; Spiritu currens Illi se erudiendum tradit, taliterq; sub
Illius ductu proficit, ut adhuc ipse Discipulus manens, jam ali-
orum Magister hâc in parte esse meruerit. Hinc Sanctior AN-
NIBAL S T A N I S L A U S, limitaneum Herculis ad Gadita-
nas Columnas non plus ultra ignoraverat, qui angustum capa-
cissimæ Virtutis suæ literarium Stagyrîtæ Campum reputans,
vastio-

vastiore inquit, dum Augustam CANONICORUM LAT-
TERANENSIVM REGVLARIUM CONGREGATIONEM
ingreditur. Huc euntem sequi fortasse præsumes hebetior Geni?
Sed non est tuarum virium quod optas! Tu quoq; lingua vix
balbutire docta, illuc tendere nè cogites! Hære hic in laudi-
bus STANISLAI omninò debebitis, quia Vobis heroica
illius opera Isthum & Propontidem arduam sanè obijciunt.
Stare Vobis satius erit, quàm in gravi hoc negotio gravi is suc-
cumbere. Faceret Genius, non recusaret lingua, nisi aliud Vir-
tutes illius svaderent. Iterum ergo STANISLAUS No-
vo & Præstantissimo Duci AUGUSTINO auctoratur, ac ut
se jam verum ANNIBALEM luculentius demonstraret, militare
fidei Sacramentum renovat & confirmat, dum se capitalem
non Romæ, sed vitiorum hostem trinò Religionis votò obli-
gat & profitetur. Timete Vobis scelerum fæderatæ cohòrtes,
atralque Erebi repetite latebras, quia Sanctior Noster ANNI-
BAL fortes, sed vobis æmulas parat & instruit Virtutum Myria-
des. Canat jam tubalis fama Puniei ANNIBALIS victoriam
ad Cannas reportatam, quod quinquaginta millia Romanorum
in cruenta Martis arena fuderit; ex superatis tribus nonnisi do-
mesticis hostibus gloriosior Nostro ANNIBALI laudis adorea
assurgit. Heroicum istud negotium quis ambigat, tunc triũphare!

Dum caro perpetuo, dum Mundus Marte laceffit,

Prælia cum Dæmon sanguinolenta movet.

Quis firmis tribus hisce queat par hostibus esse?

Alcides nequeat eum superare duos.

An par esse queat tribus his infirma locusta,

Atq; cinis tenuis pulvis & exiguus?

Fatemur & huic Veritati subscribimus; STANISLAUS
tamen, dum sub Auspicijs Summi Ductoris Primiq; Doctoris
AUGUSTINI militare incepit, protinus illi

Mundusq; Caroq;

Et Sathanæ rabies, ludæra, risus erant.

Evolvo rei cortinam: ita se in Religiosa Athletica gessit.
STANISLAUS, ut nihil à Vero ANNIBALIS Genio ablu-
serit. Nimirum, si fama ingloriam Carthagenensis AN-
NIBALIS Campaniam per Orbis Universi Climata bucci-
nat, nec Noster Sarmaticus ANNIBAL intra Sacratiora LATE-
RANENSIS CANONICÆ Claustra sine bello vixerat, fortunatior
tamen Sarmatico, quàm Punico obtigit Victoria; Illa enim
spem abstulit, gradumq; retardavit ad Quirini Capitolium, hæc
in Cælesti Capitolio STANISLAUM certiùs epulaturum pro-
mittebat. Cælum sibi augustius quàm olim Chosrois fuerat, &
Cella efformare sciverat. Sanctior ANNIBALIS Lechici animus,

festivioribus Asceticæ Vitæ seipsum devovendo & mancipando delicijs. O quantis AUGUSTINIANA hæc Capua ANNIBALEM Nostrum voluptatum illecebris implicuit! in quantos luxus dissolvit? Non defuerat exquisita lautæ gloria mensæ, palatoq; illius placentia edulia, quibus fastidiosam gulam, & ambitiosam famem, ita exsatiabat, ut vel ipsa hordeacea Ceres in usum Ei suaveq; obsonium cedere debuerit. Si Punicum ANNIBALEM Campana vina intantum emollierant, ut ipsam vitam Illi abstulerint, Nostro quoq; ANNIBALI aderant sua Symposia; quæ vel ipsi fluvij & fontes subministrare debuerant. Delicata hæc esse quis nesciat? quibus ille nè vilescerent, bis tantum toto Quadragesimalis Jejuniij decursu in septimana refici voluerat, & propter quæ etiam generosa vina contempsit. Planius dixero: Sanctior hic ANNIBAL maximas delicias reputavit, hordeaceo pane & aquâ defessum varijs laboribus refocillare corpus; omnibus persuadendo, nulla majora excogitari posse commoda, quàm dum tales cupediæ & potus hominibus sapiunt. Porro si Pæni ANNIBALIS pænis dignissimâ superbiâ Historiographus describit calamus; humilis mea suada ut D. STANISLAUM ex toto Verum ANNIBALEM extitisse demonstret, Sanctioris fastus notulam Illi adscribere cogitur, justè tamen; nam quidquid ille elevatori mentis pupillâ conspexit, illicò despexit, quidquid Mundus solo tantum nomine mundus ex pompis suis & commodis obtulit, Ille protinus piæ ambitionis calce conculcavit. Quodsi Punicum ANNIBALEM hætenus adhuc infandæ crudelitatis secula arguunt, quòd in Gelo flumine pontem ex humanorum cadaverum strue construxerit, & per illum exercitûs sui Copias traduxerit, quòd captivos Romanorum in itinere fessos primâ pedum parte præcisâ reliquerit; nec Noster ANNIBAL quidpiam de crudelitate remisit, cum supra corpus proprium hoc totum exerceret, quidquid dulcis Tyrannus DEI Amor excogitasse poterat. Et cum bellè novisset, turpè esse Martis Alumno totam somno consumere noctem, nè huic dogmati in quopiam contravenisset, integras noctes in Anagogicis Actibus ceu in excubijs consumebat. Porro si Carthaginensem ANNIBALEM ex fortitudine Aufoniæ Alpes acetô macerata & fractæ celebrant; adamantina & ex ipsis Caucaiseis silicibus compacta obstinatorum peccatorum corda, arduas Alpes in se representantia, plûs laudis Sarmatico ANNIBALI adaugent; in hoc mirabiliores Aufonijs, quòd illæ extrinsecus sale & aceto macerari ferroq; confringi debuerint, hæc verò ad vocalem suavè tonantis suadæ sonitum interiùs in proprijs venis liquefcere & diffuere viderentur. Et certè STANISLAO non satis fuerat ANNIBALIS Nomen, factaq; testari, etiam Philippum Macedonem

æmulari voluit; argenteis ille hastis telisq; Urbes expugnare.
 suaserat, cum ubi bellico ariete nihil efficitur, nummis parere
 & patere posse censuit. Didicerat hoc laudabile stratagema STA-
 NISLAUS, dum argentô in egenos profusô Arcem Civitatis in
 quadro positæ munitissimam expugnabat. Carthaginenses Su-
 um Ducem ANNIBALEM post primam Cannensem Victoriâ,
 tanquam Numen aliquod ad se reversum veneratos fuisse, ex
 historica fide didicimus: etiam Pallas Jagellonica in lætum exul-
 tantis animi applausum pectora omnium resolvebat; dum post
 palmares in Religiosa Arena Victorias, iterum ad se reducem
 Sanctiorem ANNIBALEM STANISLAUM conspexerat;
 itaq; bellatorem stupuit, Victorem Theologicâ laureâ pro meri-
 tis coronavit. Serva jam vel tace detractos ad Cannas annulos,
 quos plenis modijs metiri sciveras Punice ANNIBAL, sorte Tibi
 illi obvenerant, jamq; pridem in spoliis alijs cessere; Noster
 ANNIBAL unum tantum in desponsatione Honoris Theologici
 Doctoralem sortitus Annulum, sed, qui Eum cælesti æternitati,
 ejus ille Symbolum est, insinuavit & subarrhavit. Qvis ergo
 jam D. STANISLAUM CASIMIRITANUM verum ANNIBALEM vi-
 tæ factisq; immortalibus in se expressisse negabit? Nisi fortè
 ille, cui Critico dente etiam Divorum famam carpere solenne
 est. Sed quisquis talis est, in hac veritate amplius cæcutire de-
 sinat, en D. STANISLAUM Sanctiorem ANNIBALEM extitisse; vel ipsæ
 Serenissimæ Cælorum Majestates persuadent, ad cujus Heroicam
 fortitudinem & opera basilica spectanda, ex Empyreis sedibus,
 fortissimi olim Spiritualis Militiæ Ductoris D. STANISLAI Præ-
 fulis stipatæ comitatu descenderunt. Quis jam Virtuti Illius
 plausus festivos negabit, si Ipsum Cælum in eisdem se resolvit,
 Coronam pro legitimis & plusquam Herculeo robore exantlatis
 laboribus Sanctiori ANNIBALI promittendo, & ad majora his verbis
 incitando: *Fils ma STANISLAE, Tibi dico viriliter age & esto*
robustus, Te enim unâ cum Sancti meis merces copiosa expectat in Cælis.
 Tam lætum Nuntium evisceratis in gaudia medullis dum excipit
 STANISLAUS, nos tristes lessos ingeminare fortè cogemur? quid ita?
 en liberalis in neces continuas Parca venenum lethale ANNIBALI
 Nostro propinat; Eheu dolendum! revoco quæ dixi, imò poti-
 ùs in lætiores assurgendum Pæanas, nam Victor Inclytus STA-
 NISLAUS, ad quod toto vitæ curriculo tendebat, fortunatô passu,
 nobiliore sui parte Animâ attigit Capitolium. Sed cur Ipso Die
 Inventionis Divinæ CRUCIS illud invenerit? Delphicos Tripo-
 des, ut secreti Cortinam revelent, ne fatiges; ita decuerat, ut
 sub Triumphali Victoris à Ligno DEI Trophæo, Victorias suas
 peregrisse, Nobilesque Laureas reportasse ANNIBAL Lechicus
 probaretur.

Applaude tam Excelsæ Virtuti Tuæ, Cui ego officiosè
assurgo Sacratissima CANONICORUM LATERANENSIVM REGU-
LARIUM CONGREGATIO: quòd in medio Tui invictos la-
boribus continuis pro DEO & Cælo Heroas producere noveris.
Pridem Te totus Christianus Orbis, Seminarium Sanctitatis,
Virtutum Officinam, Sanctorum Pantheon vœtigali veneratus
est homagio; Ego Te hodie Athleticam Heroum justè dixerò
cùm inter alios æternitatis laureis jam pridem coronatos Athle-
tas; etiã armatũ militari Panopliã Virum, D. STANISLAUM CASIMI-
RITANũ, quẽ ego nunc ANNIBALEM cecini in publico exhibes ac præ-
sentas. Applaudè Tu quoq; felicitatĩ tuæ Sarmatia, quòd tantũ
Heroem enixa fueris. Applaudimus jam singuli Tibi Nobisq; Di-
vinissime ANNIBAL STANISLAE, majora tamen adhuc plau-
sus accumulabimus acroamata; si vota nostra per tot lustra
temporum eum cordolio repetita coronaveris. En ad Te Ma-
gnũ satisfq; disertum Oratorem Dolorem, expedit Patria nostra:
ergo annue postulatis illius: Excubias o Fortissime Heroum ad
mœnia illius hostilibus concussa machinis agere non desine; mi-
litari gloriæ natam Sarmatarum Indolem, ut quondam Puni-
cus ANNIBAL Romã, nè otio torpescat, excitare non desiste. Cer-
tabit Tecũ mutuis affectibus Tua Nostrũq; omniũ Parens Patria,
& pro immortalibus Tuis ausibus, non marmoreas, ut olim An-
toninus Punico ANNIBALI statuas, sed Corynthis Nobiliores,
quia vivas Tuorumq; meritorum testes, perennis memoriæ in-
pectoribus eriget Columnas, ac Triumphali Tuo Capiti plures
parabit Civicas. Mihi jam ultra progredi non est animus, cùm
mihi sufficiat, quòd Virtutes Tuas Cælo teste in Athletica LA-
TERANENSI exercitas; jamq; pridem illius calculo probatas
& coronatas recensuerim, Teq; Novũ Sarmatiæ AN-
NIBALEM, in perniciem omnium vitiorum Juratum,
& ad certandum contra hostes Animæ semper
excubantem, breviter demonstraverim.




te,
M
o-
m
o
es
er
ne
a-
ut

10
c.

y-
ti-
e-

卷之四



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

